

პროექტის რეზიუმე

2017-2018 სასწავლო წელს დაიგეგმა პროექტი „არა ძალადობას“, რომელშიც სამოქალაქო განათლებასთან ერთად ჩაერთო ისტორია და ქართული.

პროექტის მიზნებიდან გამომდინარე მოძიებული იქნა უამრავი მასალა, როგორც ტექსტური, ისე ელექტრონული სახით, მოხდა სამუშაოს გადანაწილება, მათი დახარისხება და პრეზენტაციისათვის მომზადება, მომზადდა პლაკატები და სლაიდ შოუ. ქართულის მხრივ გაკეთდა ლიტერატურული კომპოზიცია, რომელმაც კიდევ უფრო გააძაფრა ის ეფექტი, რაც ისტორიის ჯგუფის კადეტებმა წარსულის თხრობით გამოიწვიეს.

პროექტის მსვლელობისას კადეტებს განუვითარდათ ახალი მასალის მოპოვების, ანალიზის, სინთეზის, თანამშრომლობითი და კვლევითი უნარები, რაც შემიძლია პროექტის ერთ-ერთ მნიშვნელოვან მიღწევად ჩაეთვალო. ასევე დადებითად ჩავთვლით იმ ფაქტს, რომ თუ რამდენიმე მათგანი მაინც გაითვალისწინებს იმ რჩევა-დარიგებებსა და მიღებულ ცოდნას, რაც პროექტის მსვლელობისას მიიღეს. ამ პროექტმა კიდევ ერთხელ ნათლად დამაწახა სწავლების ასეთი მეთოდის უპირატესობა და ის ემოციები, რომელიც მოსწავლეში აღიძრება თემატიკიდან გამომდინარე. მიზანი სრულად იქნა მიღწეული.

პროექტის დასასრული მართლაც ემოციული აღმოჩნდა და ეს მუხტი დიდხანს გაგვეყვებოდა იქ მყოფთ. პროექტის შედეგიდან გამომდინარე ვფიქრობ, რომ შემდეგშიც დავგეგმავ ინტეგრირებულ პროექტებს, რადგან ინფორმაციის მრავალფეროვნება საინტერესოს ხდის მის მსვლელობას, თანაც კადეტთა უფრო დიდი რაოდენობაა ჩართული მასში და რამდენიმე მასწავლებლის აზრთა სხვადასხვაობა მეტ ინოვაციას სძენს პროექტს. ჩემი აზრით როგორც სამოქალაქო განათლების მასწავლებელმა შედეგს მივაღწიე, ნათლად დავანახე ის შედეგები, რაც ადამიანებით ვაჭრობას მოაქვს.

ქ.მელქაძე